

Guangjisi Minzcu Bau

ganhhau: CN45-0036 B.2015 Nd.12 Ng.9 liggaeuq ietfeih nienz ndwencib ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3202期

Nazboh Yen Yung Lai Cungj Banhfap Gya- giengz Hong Swncienz Caeuq Baujhoh Feihyiz

那坡县采取多种措施加强非遗传承和保护工作

Gaenh geij bi neix daeuj, Nazboh Yen yung lai cungj banhfap, gyagiengz hong swncienz caeuq baujhoh feihvuzciz vwnzva yizcanj, haenqrengz dajcaux Bouxcuengh vwnzva binjbaiz.

It dwg gyagiengz lingjdauj, dungjiyiz gveihva. Yen cwngefuj aeu hong swncienz caeuq baujhoh feihyiz liedhaeuj daengx bi guhhong dajsuenq, baujcwngefuj feihyiz swncienz cingqciengz guh. Binaengz youq banh Bouxcuengh sam nyied sam ciet baebo, Lungzhoz Bouxcuengh ciet bauqva gaxgonq, bangcoengh guh ndei gak hangh hong bwh, baujcwngefuj ngoenzciet swnhleih guh baenz, hawj ngoenzciet vwnzva yaek siusaet haenx

ndaiej swncienz caeuq baujhoh.

Ngeih dwg yen caizcwngefuj bued roengz cienz cienhangh, cujciiz aen yienh neix bouxguh hong vwnzyi caeuq cingj lauxhangz biensaw, cingjleix, sijfwen, gaeng sij ok fwen maenhndei Bouxcuengh 30 lai hot, hawj Bouxcuengh vwnzva ndaej riuuzciengz.

Sam dwg haibanh gvangjbo densi Vahcuengh lanzmoeg. Youq yen gvangjbo densidaiz hai 《Gogaeq Vahcuengh》、《Gyaez Mbanjcuengh》、《Doiq Fwen》daengj lanzmoeg, yung lai Vahcuengh doengsug ngaih rox gaisau ndawbiengz ngoenzciet fungsug, baijyienj dinfwngz swncienz vwnzva, swncienz hwngfat Bouxcuengh

vwnzva maenhndei.

Seiq dwg fwen haiej hagdangz hozdung, gungganq vunzcaiz swncienz Fwencuengh. Cingj fwencuengz canghfwen Bouxcuengh haiej hagdangz, yung lai gag eu fwen, doiq fwen, hab eu hingz sik guh beizyin, gungganq vunzcaiz swncienz Fwencuengh.

Haj dwg bien ok dauqsaw Nazboh minzcuz vwnzva. Cingj 10 lai boux ndawbiengz fwencuengz, canghfwen, bouxcienqgo daengj bouxguh hong vwnzva laebbaenz biensijcuj, dajsuenq oksaw 《Fwen Bouxcuengh Nazboh》、《Go Rwenz Nazboh》、《Nazboh Feihyiz Dozdiemj》daengj cozbij. (Liengz Beizcu/梁培珠)

Sanhgyangh: Fungcingz Dungenz Yinx Hek Daeuj

三江: 风情侗年引客来



12 nyied 5 hauh, Sanhgyangh Dungenz Swciyen Cwnzyangz Baz Cai Gingjih banh "fungcingz Dungenz" hozdung, yung lai daengj-roen ciep hek, bak vunz dozmae, Dungenz buhvaq cunzyouz, minzsuz biujyienj caeuq ngaizbakranz daengj daegsaek hozdung gig miz Dungenz feihdauh haenx, yienq betfueng hekyouz yienjok Dungenz fungcingz lai yienh. Ndaw doz dwg gyoengq yienjyenz cingq biujyienj gofoux Dungenz.

(Gung Bujangh/龚普康 Yang Cunhmou/杨春茂)

Yougyangh Gih Guh Buek Baizbenj Cuengh Gun Song Cungj Saw Feihgungh Gingham Cujciz Dangjihbu He

右江区制作一批非公经济组织党支部壮汉双语牌匾

Mboengqneix, Baksak Si Yougyangh Gihvej Cujcizbu dungjiyiz guh buek baizbenj Cuengh Gun song cungj saw feihgungh gingham dangjihbu he. Buek baizbenj neix baugvat Cungguk Gungcanjdangj Baksak Guengdoeng Sanghvei Cihbu Veijyenzvei, Cungguk Gungcanjdangj Vancouh Vwnningzduj Youjhan

Gungshw Cihbu Veijyenzvei, Cungguk Gungcanjdangj Baksak Si Gvanghda Hangzmunj Youjhan Gungshw Cihbu Veijyenzvei daengj 80 lai aen feihgungh gingham cujciiz. Neix dwg Yougyangh Gih youq ndaej guh liux hong venjbaiz Cuengh Gun song cungj saw daengx gih fapdingh danhvei, yazgihcunh song vej,

gaihdaug seigh song vej le, youh dwg cungj banhfap youq ndawbiengz yung lai Sawcuengh he, mboujdan gya' gvangq dangdieg hong Cuengh Gun song cungj saw venjbaiz, caemhcai caenh' itbouh gya' gvangq saw vah minzcuz ndawbiengz yingyangliz.

(Luz Yuzangh/陆如刚)

SIUSIK DINJ 简讯

● 12 nyied 2 hauh, Gveibingz Si Sihsanh Cin Cungsim Siujyoz haiguh "gvansim ngoenzcog bujfab bae gonq" bouxcoz nyezrauh bujfab gyauyuz senhconz hozdung. Hozdung geizgan, doenggvaq fat bonjsaw bujfab gyauyuz, yawjngonz gyaezguekcujyi gyauyuz gihdi, bouxcoz nyezrauh fazci gyauyuz gihdi, doeklaeng hai aen hoih hong doicaenh, doxgyau gyauyuz gingniemh, cienzdoh faplwd cihsiz daengj.

(Cenz Libingh)

● 12 nyied 4 hauh, Ningzmingz Yen Fulenz youq yienhsingz banh "hengzdoengh hwnjdauj, yienq lingz aiswh byaij bae" vwnzyi vanjvei senhconz hozdung. Hozdung doenggvaq lai cungj hingz sik guh yawhfuengz bingh-aiswh senhconz, vanzlij fat swlhliu senhconz 500 faenh, hawj engq lai vunz roxyiuj gij haih bingh' aiswh, gyalai yawhfuengz bingh' aiswh cihsiz caeuq yisiz.

(Cauh Yizangh Yi Yungz-fangh)

● Mboengqneix, Yungzanh Yen cien lai moux lwgfaeg naengndaem baenz gai lo, hawciengz sou goenggaen 1.6 maenz ngaenz baedauq, moix moux vih boux ndaem lwgfaeg laisou 4000 lai maenz ngaenz. Yungzanh Yen baengh dangdieg daegsaek heiqhaeuh diuzgient caeuq diegyouq ndei hwngfat ndaem byaek, coicaenh dieg gungzhoj bouxguh naz laisou baenzfouq.

(Danz Gajihingh)

● Bi' gvaq daeuj, Yungzsuij Myauzcuz Swciyen Fulenz haiguh "gyaranz lwgnyez" haiej mbanjbya hozdung, faenbied vih 70 lai aen diegbya siujyoz hwnjguh boiqbwh laerod, maxgyaek, yijmauzgiuz caeuq "gyaranz lwgnyez" dijjuz doxgaiq dij ngaenz daihgaiq fanh maenz, baenz le cingsaenz suenangq fanh lai boux lwgnyez louzmbanj cangqndang, angqyangz majhung.

(Lungz Linzci)

● 12 nyied 3 hauh, Lozcwngefuj Mulaujcu Swciyen Daihngaih Siujyoz banh bi 2015 seizcou hageiz cawjranz ngoenzhaicuengq hozdung, 2237 boux hagseng youq seiz roengzdangz hozdung itheij diuqfoux 《Damzraih Cuzbangh》, cungfaen yienh' ok lwgnyez Mulauj doxgiat, haenqheiq doxhwnj cingsaenz yienghsiengq.

(Mungz Cwnghshw)